



**Bosna i Hercegovina
Federacija Bosne i Hercegovine
Vlada Federacije Bosne i Hercegovine
Ministarstvo kulture i sporta / Ministarstvo kulture i športa**

PROGRAM RADA

za 2010. godinu

Sarajevo, decembar / prosinac 2009. godine

Uvodni dio

Federalno ministarstvo kulture i sporta/športa (u daljem tekstu: Ministarstvo) će u toku 2010. godine svoje aktivnosti usmjeriti na sljedeća područja djelovanja:

1. kulturno-historijsko naslijeđe,
2. kultura i
3. sport.

Djelatnost Ministarstva odvijat će se u skladu s nadležnostima ministarstva u oblastima kulture, unapređenja muzejske, arhivske, bibliotečne, izdavačke, teatarske, muzičke, likovne, filmske i estradne djelatnosti, zaštite kulturno-historijskog naslijeđa i djelatnost sporta. Radit će na unapređenju i omogućavanju rada organizacija i udruženja građana u oblasti umjetnosti i kulture te unapređenja kulturnog amaterizma, stvaralaštva mladih, sporta, tehničke i tjelesne kulture.

Djelatnosti će obavljati:

- Sektor za kulturno-historijsko naslijeđe i kulturu,
- Sektor za sport,
- Centar za mlade i
- Zavod za zaštitu spomenika.

Proces demokratizacije i decentralizacije kulture nastavit će se i kroz djelatnost:

- Fondacije za kinematografiju,
- Fondacije za nakladništvo / izdavaštvo,
- Fondacije za bibliotekarstvo,
- Fondacije za muzičke, scenske i likovne djelatnosti.

Kulturno-historijsko naslijeđe

Zaštitu kulturno-historijskog naslijeđa će provoditi:

- Sektor za kulturno-historijsko naslijeđe i kulturu,
- Zavod za zaštitu spomenika FBiH.

Planirane aktivnosti Ministarstva u oblasti kulturno-historijskog naslijeđa su:

- izrada plana zaštite naslijeđa na prostoru Federacije BiH,
- evidentiranje stanja objekata, popunjavanje registara spomenika kulture,
- finansijska podrška obnovi i rekonstrukciji objekata kulturno-historijskog naslijeđa,
- stručni tehnički i finansijski nadzor nad implementacijom dodijeljenih sredstava,
- dokumentiranje,
- digitalizacija dokumentacije,
- aktivnosti na pripremanju zakonskih propisa i uredbi,
- organizacija manifestacije *Dani europskog naslijeđa*.

U svrhu ravnomjerne zastupljenosti objekata, iz svih aspekata, primjenjivat će se usvojeni kriteriji. U finansiranju zaštite objekata u 2010. godini, iz Transfera za obnovu i zaštitu objekata kulturnog i graditeljskog naslijeđa FBiH, sredstva će se dodjeljivati:

- javnim objektima,
- vjerskim sakralnim objektima,
- arheološkim lokalitetima, nekropolama,
- starim gradovima,
- stambenim objektima,
- za zaštitu pokretnih kulturnih dobara,
- za zaštitu nematerijalnih kulturnih dobara,
- za sanaciju objekata kulture,
- za manifestaciju *Dani europskog naslijeđa*.

Izbor objekata vrši se prema usvojenim općim i posebnim kriterijima.

Opći kriteriji:

- Kvalitet kandidiranih programa i projekata i njihov doprinos u podizanju općeg nivoa u oblasti kulturnog i graditeljskog naslijeđa,
- doprinos uspješnoj prezentaciji i afirmaciji Federacije Bosne i Hercegovine i Bosne i Hercegovine,
- ekonomičnost,
- osigurano sufinansiranje kantonalnih institucija kulture i lokalnih zajednica,
- ravnomjerna regionalna i nacionalna zastupljenost.

Posebni kriteriji:

- Vrijednost objekta (historijska, arhitektonska, umjetnička, kulturna, duhovna, prostorna),
- stanje objekta (potrebna preliminarna zaštita, konzervacija, sanacija, restauracija, adaptacija, revitalizacija i prezentacija),
- prioritet i neophodnost radova, u skladu sa stanjem objekata koji imaju status nacionalnih spomenika Bosne i Hercegovine,
- zaštita i očuvanje pokretnih i nematerijalnih kulturno-historijskih dobara,
- nastavak započetih radova na objektima kulturnog naslijeđa,

Zastupljeni objekti su većinom nacionalni spomenici Bosne i Hercegovine koji se nalaze na prostoru Federacije Bosne i Hercegovine.

I dalje će se razvijati saradnja i koordinacija sa:

- Državnom komisijom za UNESCO,
- Organizacijama UN (UNESCO, UNDP),
- Komisijom/Povjerenstvom za očuvanje nacionalnih spomenika,
- Ministarstvom civilnih poslova Bosne i Hercegovine,
- Ministarstvom prostornog uređenja Federacije BiH,
- Ministarstvom turizma i okoliša Federacije BiH,

- Kantonalnim resornim ministarstvima,
- Kantonalnim zavodima za zaštitu spomenika, agencijama i drugim institucijama koje se bave zaštitom kulturnog naslijeđa Bosne i Hercegovine.

Manifestacija *Dani europskog naslijeđa* će ove godine za temu imati zaštitu Starih gradova u Federaciji Bosne i Hercegovine.

Ministarstvo će sa Federalnim ministarstvom okoliša i turizma i u saradnji s kantonalnim turističkim zajednicama i Turističkom zajednicom Federacije BiH, i dalje donositi odluke o utrošku sredstava ostvarenih po Uredbi o članarinama u turističkim zajednicama i Uredbi o boravišnim pristojbama, za period od 1.1. do 31.12.2009. godine.

Zavod za zaštitu spomenika

Zavod za zaštitu spomenika, upravna organizacija Ministarstva i nadležna služba zaštite naslijeđa na nivou Federacije BiH, operativno će, po fazama, raditi na pripremi programa i projekata sanacije, konzervacije, restauracije, rekonstrukcije i revitalizacije objekata kulturno-historijskog naslijeđa i to kroz odjeljenja za operativno-tehničku zaštitu i odjeljenja za naučno-istraživački rad.

Vršit će stručni tehnički nadzor nad realizacijom programa i projekata i nad izvođenjem radova, radi pravilne realizacije i implementacije sredstava namijenjenih za zaštitu objekata kulturno-historijskog naslijeđa.

Učestvovat će u upravnim postupcima izdavanja saglasnosti kroz davanje stručnih mišljenja, sa stanovišta zaštite kulturno-historijskog naslijeđa, o programima i projektima izrađenim od strane drugih pravnih i fizičkih lica.

Radit će na izradi projektne konzervatorske i restauratorske dokumentacije za radove na sanaciji i adaptaciji nacionalnih spomenika i spomeničkog naslijeđa FBiH.

Kroz informaciono-dokumentaciono odjeljenje, nastavit će se evidentiranje i čuvanje dokumentacije o objektima kulturno-historijskog naslijeđa BiH sa praćenjem registra. Zavod će nastaviti sa prikupljanjem materijala i vođenjem fototeke, hemeroteke, biblioteke, videoteke, kao i druge dokumentacijske zbirke.

Za 2010. godinu Zavod planira operativno, po fazama, raditi na slijedećim objektima:

Javni objekti:

- | | |
|---|--|
| • Partizansko groblje Mostar | stručni nadzor |
| • Stara željeznička stanica Prača-Goražde | stručni nadzor |
| • Most u Klepcima, Čapljina | stručni nadzor |
| • Mala vijećnica u Odžaku | stručni nadzor |
| • Zgrada finansija u Jajcu | projekt rekonstrukcije, stručni nadzor |
| • Mitreum – Hram boga Mitrasa, Jajce | projekt, stručni nadzor |

Islamski sakralni objekti:

- | | |
|---------------------------------------|-----------------|
| • Džamija u Podgori, Breza, | nastavak radova |
| • Džamija u Šenkovićima, Novi Travnik | nastavak radova |
| • Soko džamija u Gračanici | |

- Musalla u Kamengradu, Sanski Most stručni nadzor
- Ferhadbegova džamija u Tešnju nastavak radova - šadržvan
- Semiz Ali-pašino turbe u Prači, stručni nadzor
- Džamija u Seonici, Konjic stručni nadzor
- Džamija Kjafije Pruščaka, Prusac projekt konzervacije i nadzor
- Tašlihan, Sarajevo stručni nadzor
- Firuz-begov hamam, Sarajevo stručni nadzor

Katolički sakralni objekti:

- Crkva sv. Ilije Kruševo, Mostar, stručni nadzor
- Franjevački samostan, K. Sutjeska stručni nadzor
- Stara crkva sv. Mihovila u Varešu izrada projekta, stručni nadzor
- Plečnikova grobljanska kapela u Varešu izrada projekta, stručni nadzor
- Franjevački samostan u Livnu stručni nadzor
- Crkva sv. Duha sa samostanom u Fojnici izrada projekta
- Stara biskupska rezidencija u Vukodolu, Mostar stručni nadzor
- Crkva Uznesenja Blažene Djevice, Rama-Šćit stručni nadzor
- Crkva Sv. Trojstva u Blagaju stručni nadzor

Pravoslavni sakralni objekti:

- Saborna crkva u Sarajevu, stručni nadzor
- Crkva sv. Prokopija u Visokom stručni nadzor
- Crkva sv. Nikole, Trijebanj, Stolac stručni nadzor
- Crkva Uspenija presvete Bogorodice u Livnu stručni nadzor
- Manastir Vozuća stručni nadzor
- Crkva Sv. Vasilija Ostroškog u Blagaju izrada projekta
- Crkva Vaznesenja Hristovog u Čapljini izrada projekta
- Manastir Zavala stručni nadzor
- Saborna crkva u Mostaru stručni nadzor

Arheološki lokaliteti i nekropole istraživat će se u saradnji s arheolozima Zemaljskog muzeja, ANUBiH-a i Odsjeka za arheologiju Sveučilišta u Mostaru. Zavod će sudjelovati u istraživanjima, evidentirajući i dokumentirajući rezultate, a bit će i koordinator programa i projekata na osnovu kojih će stručni saradnici odjela za operativno-tehničku zaštitu raditi projekte konzervacije, restauracije, sanacije i revitalizacije.

- Nekropola stećaka u Kruševu projekt konzervacije
- Arheološki lokalitet Halepić kod Glamoča arheološka istraživanja
- Nekropola stećaka Dugo polje na Blidinju stručni nadzor
- Nekropola stećaka Radimlja stručni nadzor
- Kapela s franjevačkom kućom u Podbili, Posušje izrada projekta
- Nekropola stećaka Gradina, Kaknaj stručni nadzor

Također, pripremaju se i aktivnosti na izvođenju preventivnih arheoloških istraživanja duž trase na koridoru Vc. Timovi arheologa iz svih institucija u Bosni i Hercegovini sudjelovali bi u ovim istraživanjima pod stručnom kontrolom i uz saglasnost Zavoda za zaštitu spomenika. Nosio bi bili Zavod za zaštitu spomenika, ANUBiH i Zemaljski

muzej BiH. Odluka za pristup radu je u zakonskoj proceduri, tako da bi se sa početkom sezone trebalo pristupiti realizaciji.

Stari gradovi:

- Stari grad Jajce, projekt konzervacije, stručni nadzor
- Stari grad Ključ, nastavak radova
- Stari grad Srebrenik, operativna zaštita, stručni nadzor
- Stari grad Bobovac nastavak radova
- Stari grad Ljubuški stručni nadzor
- Stari grad Prusac stručni nadzor
- Helenistički grad Daorson, Ošanići kod Stoca arheološka istraživanja, konzervacija
- Stari grad Herceg Stjepan, Blagaj projekt konzervacije, stručni nadzor
- Stari grad Podzvizd, V.Kladuša projekt konzervacije, stručni nadzor
- Stari grad Todorovo, V.Kladuša projekt konzervacije, stručni projekt

Stambeni objekti:

- Kuća Nurije Pozderca, Cazin stručni nadzor
- Kršlakova kuća u Jajcu izrada projekta, stručni nadzor
- Musafirhana u Fojnici izrada projekta

Donošenjem i usvajanjem Budžeta Vlade FBiH i uvidom u ukupna odobrena sredstva za Transfer obnove i zaštite graditeljske i kulturno-historijskog naslijeđa, moći će se odabrati novi prijavljeni programi i projekti koji zadovoljavaju opće i posebne kriterije.

Zavod će i dalje raditi i sudjelovati u realizaciji provođenja upravnog postupka dobivanja lokacijskih i građevnih dozvola, kroz izdavanje stručnih mišljenja iz aspekta zaštite kulturno-historijskog naslijeđa za projektnu dokumentaciju konzervacije, restauracije, revitalizacije, sanacije, adaptacije i rekonstrukcije na spomenicima kulturno-historijskog naslijeđa. Također će raditi na izdavanju saglasnosti i stručnih mišljenja za istraživačke radove i izgradnju novih objekata za eksploataciju sirovina.

Što se tiče zakonske regulative, Zavod za zaštitu spomenika aktivno učestvuje u donošenju uredbi, kao i izmjena i dopuna postojeće zakonske regulative. U pripremi su izmjene i dopune Uredbe o uređenju gradilišta, obaveznoj dokumentaciji i učesnicima u građenju (dobivanje odobrenja za projektiranje i izvođenje objekata kulturnog naslijeđa).

Zavod za zaštitu spomenika planira i nastavak aktivnosti sa organizacijom UNESCO i UNDP na zajedničkim projektima obnove i zaštite objekata naslijeđa.

Povodom manifestacije, planiramo i izradu Monografije „Stari gradovi“, uz finansijsku podršku UNESCO ureda u Sarajevu.

U 2010.godini, Zavod planira sudjelovati na V Regionalnoj konferenciji o savremenom pristupu zaštiti kulturnog i prirodnog naslijeđa u Banjoj Luci.

Planira se i nastavak saradnje u stručnim časopisima “AGD” iz oblasti kulturnog naslijeđa, sa stručnim prilogima o izvedenim konzervatorsko-restauratorskim radovima na spomenicima kulture na kojima je Zavod radio.

Izdavanje XXII broja stručnog časopisa i godišnjaka *Naše starine* planirano je za prvu polovinu 2010.godine. Zavod će, osim tradicionalnog sadržaja, prezentirati

svoj poslijeratni rad na restauraciji i očuvanju kulturno-historijskog i graditeljskog naslijeđa, za koje je Federalno Ministarstvo kulture i sporta odobrilo sredstva, a Zavod za zaštitu spomenika FBiH je, kroz izradu programa i projekta, kao i kroz stručni nadzor, pratio i realizirao odluke.

KULTURA

Poslovi iz oblasti kulture ostvaruju se u Sektoru za kulturno-historijsko naslijeđe i kulturu.

Sektor obavlja poslove i zadatke koji se odnose na upravne, stručne i druge poslove, koji se odnose na razvoj muzejske, arhivske, bibliotečne, izdavačke, dramske, muzičke, muzičko-scenske, likovne, galerijske i filmske djelatnosti, djelatnosti dramskog i likovnog amaterizma, razvoj i omogućavanje rada organizacijama i udruženjima građana u oblasti umjetnosti i kulture, razvoj kulturno-umjetničkog amaterizma, stvaralaštva mladih, tehničke i tjelesne kulture, podrške umjetnicima, radi poboljšanja statusa i razvoja talenata od značaja za Federaciju BiH, što se u skladu s nadležnostima ostvaruje:

- prikupljanjem podataka,
- vođenjem baze podataka o organizacijama i manifestacijama, djelatnicima i umjetnicima u Federaciji Bosne i Hercegovine,
- praćenjem i vrednovanjem programa i aktivnosti institucija i manifestacija kulture,
- finansijskom podrškom programima i projektima u oblasti kulture,
- finansijskom podrškom programima i projektima udruga građana i organizacija u oblasti kulture,
- nalaženjem metoda unapređenja raspodjele proračunskih sredstava za sufinansiranje kulture od značaja za Federaciju BiH i Bosnu i Hercegovinu,
- razvojem međusobne saradnje i uvezivanjem institucija kulture, radi ostvarenja kvalitetnijih programa za veći broj korisnika,
- strateškim djelovanjem i koordinacijom s resornim ministarstvima u oblasti kulture na drugim razinama,
- stalnim radom na aktualnoj bazi podataka u kulturi, podrškom inovativnim samoodrživim programima, i na druge načine.

Za unapređenje djelatnosti u navedenim oblastima, Ministarstvo planira nastaviti aktivnosti zacrtane strateškim ciljevima razvoja:

- stvaranje uvjeta za razvijanje partnerstva na različitim razinama vlasti,
- transparentnost u radu,
- ostvarivanje bolje saradnje s udruženjima, organizacijama, asocijacijama i nevladinim sektorom u kulturi,
- decentralizacija kulture,
- mobilnost umjetnika i kulturnih programa,
- stvaranje ambijenta za promociju talenata, umjetnika i institucija kulture na cijelom području Federacije BiH.

Ovakvim djelovanjem bit će ostvareni slijedeći CILJEVI (kultura i kulturno naslijeđe):

- kulturni razvitok Federacije BiH i Bosne i Hercegovine,
- provedba Strategije kulturne politike Bosne i Hercegovine,
- utvrđivanje polazišta za izradu Osnova politike razvoja kulture Federacije Bosne i Hercegovine,
- provedba važećih i od Bosne i Hercegovine ratificiranih konvencija u oblasti kulture,
- ispunjenje ugovora o međunarodnoj kulturnoj saradnji u dijelu koji se odnosi na Federaciju BiH,
- provedba Aneksa 8 međunarodnog sporazuma za mir u Bosni i Hercegovini,
- provedba Zakona o provedbi Odluka o proglašenju objekata nacionalnim spomenicima,
- provedba Zakona o federalnim ministarstvima,
- prepoznavanje manifestacija, programa i projekata od značaja za Federaciju BiH i Bosnu i Hercegovinu; njihov razvoj, rast, poticanje razmjene i realizacije u kooperaciji ili koprodukciji,
- podrška manifestacijama kulture, čiji status su potvrdile međunarodne asocijacije,
- provedba važećih državnih i federalnih zakona u oblastima kulture i sporta,
- afirmacija umjetničkog stvaralaštva od značaja za Federaciju BiH i Bosnu i Hercegovinu,
- Ispunjenje individualnih i kolektivnih kulturnih potreba građana Federacije BiH i Bosne i Hercegovine,
- razvoj svih kulturnih djelatnosti, podrška inovativnosti i novim medijskim kulturama,
- unapređenje svijesti o potrebi razvitka zdravstvene i ekološke kulture,
- promoviranje i afirmacija kulture i umjetnosti od značaja za Federaciju BiH i Bosnu i Hercegovinu,
- podrška afirmaciji i angažmanu mladih, odgovorna priprema mladih za sudjelovanje u kulturnom životu Federacije BiH i Bosne i Hercegovine,
- uvrštavanje u Program finansiranja većeg broja manifestacija i programa koje će znati da će biti finansirani i u narednom periodu, ako budu uspješni i kvalitetni, a program se razvijao o rastao,
- utvrđivanje kalendara kulturnih zbivanja za narednu godinu, do kraja tekuće godine, u partnerstvu s drugim ministarstvima nadležnim za poslove u oblasti kulture,
- stvaranje uvjeta za utvrđivanje javnih potreba u kulturi za narednu godinu do kraja tekuće godine.

Federalno ministarstvo kulture i sporta programe i projekte od značaja za Federaciju Bosne i Hercegovine i Bosnu i Hercegovinu planira sufinansirati i realizirati prema spomenutim općim kriterijima i usvojenim posebnim kriterijima:

- afirmacija kulturnog i umjetničkog stvaralaštva,
- interes kulturne javnosti,
- dugogodišnji kontinuitet; inovativnost,
- uspjesi na međunarodnom i domaćem planu,
- poticanje razmjene; realizacija u kooperaciji ili koprodukciji,
- doprinos angažiranju i afirmaciji mladih.

Međunarodna saradnja u oblasti kulture realizirat će se u zavisnosti od stava i konkretne podrške entitetskih resornih ministarstava i konkretnih planova i zahtjeva nadležnih ministarstava u Vijeću ministara (Ministarstvo civilnih poslova Bosne i Hercegovine i Ministarstvo vanjskih poslova Bosne i Hercegovine).

U okviru programa razvoja lokalnih zajednica, finansijska podrška sanaciji, obnovi, izgradnji i opremanju objekata kulture, dodjeljivat će se prema spomenutim općim kriterijima i usvojenim slijedećim posebnim kriterijima:

- funkcionalna i ekonomska opravdanost projekta,
- stanje objekta, interventna zaštita i neophodnost radova u skladu s dostavljenom projektnom dokumentacijom,
- važnost za kulturni i javni život sredine,
- značaj za širu društvenu zajednicu,
- nastavak realizacije započetih projekata,
- doprinos angažiranju i afirmaciji mladih.

U cilju ostvarenja što bolje kulturne ponude, u općoj ekonomskoj situaciji u Bosni i Hercegovini i okruženju, u 2010. godini sufinansirat će se isključivo programi i projekti kulture od značaja za Federaciju BiH i Bosnu i Hercegovinu, u iznosu do 25% od ukupne vrijednosti projekta koji uz to moraju zadovoljiti kriterij ekonomičnosti.

CENTAR ZA MLADE

Pitanja mladih su intersektoralna i tiču se većeg dijela populacije bh. društva, odnosno, zakonske regulative, kulture, sporta, obrazovanja, ekonomije, zapošljavanja, zdravstva, delikvencije, narkomanije, sudjelovanja mladih u radu vlada, saradnje s svim nivoima vlasti, informiranja mladih, itd.

Centar za mlade federalnog ministarstva kulture i sporta će svoje aktivnosti voditi kroz nekoliko područja djelovanja:

- Koordinacija rada sa svim nivoima vlasti u Bosni i Hercegovini, radi poboljšanja položaja mladih i dostizanju evropskog standarda za život mladih u Bosni i Hercegovini,
- podrška aktivnostima u vezi sa procedurom usvajanja Zakona o mladima Federacije Bosne i Hercegovine, razvoj omladinske politike u Federaciji,
- poticanje kulturnih i sportskih aktivnosti u interesu zadovoljavanja potreba mladih, posebno u malim sredinama te saradnja organa i tijela vlasti i omladinskih organizacija,
- osiguravanje namjenskih sredstava za projekte mladih, podrška i povezivanje projekata i programa mladih u FBiH, podrška mladim talentima prema općim i posebnim kriterijima,
- saradnja sa omladinskim organizacijama i međunarodnim organizacijama koje se bave problematikom mladih te aktivno učešće na raznim omladinskim forumima, konferencijama i seminarima.

Centar za mlade će osigurati razvoj projekata koji se odnose na prezentaciju, edukaciju, uključivanje i upoznavanje mladih ljudi sa mogućnostima školovanja kroz

kontinuirane projekte sa mladima iz Federacije Bosne i Hercegovine (Kamp animacije - zimski i ljetni). Nastavak rada na projektima podrške programima mladih u zaštiti kulturnog naslijeđa, jačanje svijesti kod mladih o potrebi i očuvanju kulturnog naslijeđa Bosne i Hercegovine te aktivnosti mladih koje doprinose obrazovanju i edukaciji mladih, realizacija programa „Mladi i naslijeđe“ manifestacije *Dani europskog naslijeđa*; nastavak podrške programima mladih koji doprinose angažiranju i afirmaciji mladih u kulturi, podrška razvijanju manifestacija, programa i projekata mladih u oblasti kulture, koji doprinose edukaciji mladih, stipendiranje, uključivanje, zapošljavanje i volonterski rad mladih.

Centar za mlade će, također, pružati podršku razvoju programa za mlade u oblasti sporta; podrška školskom sportu i vaspitno-obrazovnim, razvojnim i edukacionim programima za mlade, kroz projekte koji doprinose očuvanju zdravlja i vaspitanja mladih, podrška sportskim programima Centra za mlade te stipendiranje mladih talentiranih sportista.

Centar za mlade će nastaviti aktivnosti koje vode ka poboljšanju standarda za život mladih u Bosni i Hercegovini.

SPORT

Osnovni pravci aktivnosti u 2010. godini bit će usmjereni ka tome da naša zemlja postane sportski razvijena i da sport, kao poseban socio-kulturni sistem, doprinose uključenju stanovništva u sistematsku sportsku aktivnost i dostizanju vrhunskih sportskih rezultata, koji će osigurati kvalitetno prezentiranje naše zemlje na međunarodnim sportskim takmičenjima.

Da bi u Federaciji Bosne i Hercegovine dostigli sportski razvijeni nivo i da bi sport dao doprinos općem razvoju, neophodno je u 2010. godini osigurati:

- pripremiti odgovarajuću zakonsku regulativu u skladu sa Zakonom o sportu u Bosni i Hercegovini. Osigurati preduvjete za razvoj sporta; pripremiti Zakon o sportu Federacije Bosne i Hercegovine i odgovarajuće podzakonske akte koji će stvoriti preduvjete za jedinstveno organiziranje sporta na nivou Federacije i Bosne i Hercegovine;
- podršku vrhunskom sportu koji, bez sumnje, u najviše elemenata određuje suštinu sporta. Vrhunsko sportsko stvaralaštvo rezultat je dugotrajnih i izuzetnih priprema sportista u usmjerenom i organizovanom programu u kome sudjeluju uzajamno povezane institucije i stručnjaci različitih profila. Neophodno je stvaranje preduvjeta za jedinstven sistem koji će omogućiti vrhunsko sportsko stvaralaštvo, sportsko reprezentiranje države i intenzivni razvoj vrhunskog sporta;
- omogućiti da tjelesni odgoj i školski sport obuhvati cijelu populaciju djece i omladine od predškolskog do univerzitetskog obrazovanja; u saradnji sa kantonalnim ministarstvima i Federalnim ministarstvom obrazovanja i nauke, organizirati odgovarajuće sisteme takmičenja kojima će se zadovoljiti potrebe djece za sportom i doprinijeti razvoju fizičke sposobnosti i zdravlja;
- stvaranje organizacionih, kadrovskih i materijalnih pretpostavki da se cjelokupnom stanovništvu omogući bavljenje adekvatnim sportskim aktivnostima i da se kroz „Sport za sve“ dostigne visoki stepen uključenosti stanovništva u sistematsku sportsku aktivnost;

- podršku organiziranju velikih sportskih manifestacija i takmičenja u našoj zemlji, koji će biti u funkciji afirmacije Bosne i Hercegovine i razvoja sporta u cjelini; u saradnji sa kantonalnim ministarstvima i sportskim asocijacijama sačiniti kalendar sportskih manifestacija i takmičenja na nivou Federacije i Bosne i Hercegovine u skladu sa odredbama Zakona o sportu u BiH, Evropskom konvencijom i odgovarajućim zakonima i propisima u Bosni i Hercegovini, među kojima su svakako najznačajniji: Atletski kup za osnovne i srednje škole Federacije Bosne i Hercegovine, Košarkaška liga osnovnih škola, Međunarodni atletski juniorski turnir prijateljstva, Tradicionalni šahovski velemajstorski turnir „Bosna 2010“...
- da učešće naših sportista na međunarodnim sportskim takmičenjima bude dostojanstveno i u funkciji afirmacije bogate sportske tradicije Bosne i Hercegovine. U 2010. godini održavaju se značajna međunarodna sportska takmičenja, među kojima su svakako najznačajnije Zimske olimpijske i Paraolimpijske igre **Vancouver 2010** u Kanadi. Neophodno je osigurati podršku u pripremi i sufinansiranju učešća naših najboljih sportista na ovim velikim sportskim manifestacijama. U saradnji sa Ministarstvom civilnih poslova, Vijećem ministara i Ministarstvom za porodicu, sport i omladinu RS utvrditi kriterije za finansijsku podršku učešću sportista na međunarodnim sportskim takmičenjima;
- podršku sportskim aktivnostima invalidnih osoba u cilju što brže resocijalizacije i postizanja vrhunskih sportskih rezultata; u skladu sa Strategijom za izjednačavanja mogućnosti osoba sa invaliditetom u FBiH, neophodno je omogućiti jednaka prava i mogućnosti osobama sa invaliditetom da se bave sportskim i rekreativnim aktivnostima i podsticati sportske organizacije na stvaranje mogućnosti učešća osoba sa invaliditetom u iste;
- podršku organiziranju i opremanju zdravstvenih institucija koje će osigurati adekvatnu zdravstvenu zaštitu svih učesnika u sportskim takmičenjima u skladu sa Zakonom i zahtjevima međunarodnih sportskih asocijacija;
- podršku izgradnji, opremanju i rekonstrukciji sportskih objekata, kao preduvjeta za razvoj sportske djelatnosti u cjelini, u saradnji sa kantonalnim ministarstvima i Fondacijom za održivi razvoj OdRaz, na osnovu analize stanja, uraditi poseban program izgradnje i opremanje sportskih objekata u skladu sa Zakonom o sportu u BiH i međunarodnim standardima i uraditi Pravilnik o kategorizaciji sportskih objekata od interesa za Federaciju BiH;
- podršku izgradnji informacionog sistema, s ciljem sistematskog praćenja i evidentiranja stanja u sportu, stručne, naučne i izdavačke djelatnosti. Sadržaj i oblik informacionog sistema treba da čini dio jedinstvenog sistema Bosne i Hercegovine i da je usaglašen sa standardima europske informacione sportske mreže;
- podršku realizaciji dugoročnih vaspitno-obrazovnih projekata u sportu i projektu stalnog praćenja fizičke spremnosti školske omladine – EUROFIT.